

Dich mis Chind hani gern (2. Bund) T = 84

C G am F G C

C G am
Es schmöckt die ganzi Wält nach Blüete
C G am
De Papi isch am Chinde hüete
F G C
E Chueh macht grad en pflüderige Flade
F G C
Und s'Grosi, die stickt die mit rotem Fade
F G C
Bisch du luut hüt gsi oder still?
F G C
S'chan passiere was au immer will
F G C am
Fräast de Zug uf Chur oder uf Bern?
F G C am
Dich mis Chind hani gern so gern so gern!
F G C
Ja Dich mis Chind hani gern

C G am
D'Sunne brännt hüt fescht vom Himmel
C G am
En Prinz de rieted uf sim Schimmel
F G C
En Hund de bälled es Büsi aa
F G C
Und s'Mami die hät hüt s'Bikini aa
F G C
Häsch hüt wenig glacht oder viel?
F G C
S'chan passiere was au immer will
F G C am
Isch's bewölkt oder lüchtet en Stern?
F G C am
Dich mis Chind hani gern so gern so gern!
F G C
Ja Dich mis Chind hani gern

C **G** **am**
 En Öpfel gheit vom Baum obenabe
C **G** **am**
 De Opa tuet Komposcht umgrave
F **G** **C**
 Es Wäschpi hät en süesse Sirup gfunde
F **G** **C**
 Es stürmt und blased scho sit vielne Stunde
F **G** **C**
 Bisch am chräie oder bisch Du still?
F **G** **C**
 S'chan passiere was au immer will
F **G** **C** **am**
 Sammled s'Eichhörnli Nüss oder Chern?
F **G** **C** **am**
 Dich mis Chind hani gern so gern so gern!
F **G** **C**
 Ja Dich mis Chind hani gern

C **G** **am**
 Die ganzi Wält liet under em Schnee
C **G** **am**
 Vor Chälti tüend eus d'Chlüpli weh
F **G** **C**
 En Has de hockt i sinere Höhli
F **G** **C**
 Eusi Büsi die händ uf em Ofe d'Wöhli
F **G** **C**
 Schnuderisch Du gar nöd oder vill?
F **G** **C**
 S'chan passiere was au immer will
F **G** **C** **am**
 Verzellt de Radio vo nah oder vo fern?
F **G** **C** **am**
 Dich mis Chind hani gern so gern so gern!
F **G** **C**
 Ja Dich mis Chind hani gern
F **G** **C**
 Ja Dich mis Chind hani gern

F / G / C / F / G / C